

Урок №23

Дарснан кІул: Ктикьу табигьсуз предложенийриъ дивру пунктуацияин ишарйир.

1.Ктикьу табигьсуз предложенийр чиб-чпик союзарин кюмекниинди китІру. Табигьсузвалин союзар, мялум вуйиганси, шубуб группайиз жара шула: **китІбандар** (-на, -ра, ва, гьам-гьам), **гьаншарвалиндар** (хъа, амма, аммаки, анжагъ), **жара апІбандар** (я-я, гагъ-гагъ).

2.Ктикьу табигьсуз предложенийр союзар ктарди, тек саб интонацияин кюмекнииндира китІри шулу. Месела: *ЦІа кабхъну а, дустар, вари дюн'яйик, намуснан пайдгъарра вари за духъна* (Б.М.).

Союзар ктру ктикьу табигьсуз предложенийри чиб сабси вая саб-сабдин къяляхъди гьюрайи къюб вая саб-швнуб гьядиса улупуру. Месела: *Хъад гьубшну, чвулра улубкъну. Хябяхъ гьабши, лж гьафи, хуларийъ дшила аквар кархъу.*

Гьам **союзар кайи**, гьамсана **союзар ктру табигьсуз** предложениемик кайи аьдатнан предложенийр, аьдат вуди, чиб-чипхъан запятйириинди жара апІуру.

Къайд. Эгер **ва** союздиинди китІрайи къюб аьдатнан предложениемиз кпикьу табигьсуз предложениемийъ уртагъ вуйи, яна къюбидизра тялукъ вуйи, саб член ади гьабшиш, думу дюшюшнаъ дурар запятаяйиинди жара апІури шулдар. Месела: Ич гьулаъ гизаф цІийи хулар дивра **ва** йимишдин багълар кивра.

Саспи вахтари, эгер кпикьу табигьсуз предложениемик кайи аьдатнан предложенийр гизаф гьатІарццдар вуди ва чпигъра запятйир айидар вуди гьашиш, думуган дурар точкана запятаяйиинди жара апІуру. **Месела:** Гюлюшан багъдиъ сес ипну а кІажари; вичун гьарин цирклариин рагури, ширин мукъмар кІура рагру жакъвари (Халкъд.).

Мяна жигъатнаан чиб-чпиз гьаршу вуйи къюб аьдатнан предложениемикан ибарат духънайи союзар ктру ктикьу табигьсуз предложенийриъ дурарин арайиъ тире дивру. **Месела:** Тур ичвуб – гардан

йизуб. ГакІвлар ккудукІура – пич абгурадар.

Табшуругъар:

1. Ктикъу табигъсуз предложенйириъ айи аьдатнан предложенйир улупай, ва, дулар чиб-чпик фици китІнаш, гъаврикк ккаай.

Биціи жил.

Гагъ учхъан ярхлаъ, гагъ багахънаси бомбар ахърайи, ва шид прожекторарина жюрбежюр гюллийри гъар жюрейин рангариинди улупурайи. Учү гъарсаб дакъикъайиъ гъюжум гюземии апІурайча, амма му ляхин хабарсузди гъабшии. Улихъ хъухърум гъапІу, цІин ялав завузу утІубччу, ич сейнер минайин алабхънийи. Узуна лоцман сар-сарин гъвалахъ дийигънайча, учү сатІиди завузу гатІархъу.

2. Жутди тувнайи предложенйир, табигъсузвалин союзар гъяъри, ктикъу табигъсуз предложенйириз илтІикІай.

1. Лиж дуфна. Ич хюни дуфнадар. 2. Учү ахидича. Уву мугъаят йихъ. 3. Марччар сивуъ а. Малар галиъ а. 4. Вари рази гъаши. Айваз рази гъашидар. 5. Йишвар ярхи шула. Йигъар – жикъи. 6. Апрельин ваз кубкІрайи. Гъавйир мегъел мани духънадайи. 7. Йиз юлдишиз гъюрар айи. Узузу дулар адайзузу. 8. Гъийин дарсар рягътидар вуи. Учү дулариз ухди гъязур гъашича.

3. Предложенйир, гъидирчнайи пунктуацияйин ишарйир гъяъри, кидикІай. Диврайи ишарйирин гъаврикк ккаай.

1. Гъизилин чвулра ккудубкІу гъалин йифар айи къюрдра гъафи амма абайиз гъии гъабхъундайи (М.А.). 2. Сакинат лихузу гъафи гъул даима беневши рангнан хъюмру капІнайиси рябкъюйи гъулна искІал кайи гюнийир ярквру ккапІнайи дагъдин машинак кабснайиси гъибгъуйи (Х.А.). 3. Узу ботдиз багахъ гъашиза лоцман Соколовра дидихъна гъафи (Л.Б.).

4. Ктикъу табигъ предложенйир ишлетмиш апІури, учү ктабгъу темайиз ихтилат бикІай.

Урок №24

Дарснан кІул: Кликъу табигъ предложениейикан уьмуми мялумат.

Дарснан метлебар:

1) урхурайидар кпикъу табигъ предложенирин арайиъ ишетмиш ишу табигъ'валин аьлакъайин гъякънаан гъавриъ т1ауб;

2) табигъ предложениемин к1улинубдихъди грамматика жигъатнаан айи аьлакъа мялум ап1уб (союзар ва союзвалин гафар);

3) табигъ предложениемин к1улин предложениемин составнахъди фициб аьлакъа аш, гъадму мялум ап1уб (к1улин предложениемийъ фуну член табигъ предложениемийи аьлава ап1ураш, ккат1абциураш, гъадму гафназ асас фикир тувуб);

4) к1улин предложениемиз тялукъ вуйи табигъ предложениемийи фициб йише бисураш ва гъаму дюшош пунктуацияийъ фици къайд ап1ураш лигуб.

Лекция.

Ктикъу табигъ предложенириз тялукъ шулайи предложенирин арайиъ айи табигъ'валин аьлакъа аьгъю ап1бан бадали, ктикъу табигъсуз предложенирна ктикъу табигъ предложенир чиб-чпихъди теври, къат1ивалин мисалар разбор ап1ури, урхурайидар гъавриъ т1ауб лазим шулу.

Месела: *Буран яваш гъабшиш, ва учу рякъюъ уч1вча.*

Буран яваш гъабшиган, учу рякъюъ уч1вча.

Сабпи предложениемин анализди мялум ап1ураки, кпикъу предложение мяна жигъатнаан вуйи аьлакъайин, хъа грамматика жигъатнан табигъсузвализди ва союздин кюмекниинди саб-сабдик кит1найи къюб аьдати (барабар) предложенирикан ибарат духъна.

Къюбпи предложениемийъ айи кпикъу предложениемин паяр, предложениемин сабпи пай тмунубдикан асиллу вуйиб мялум шулахъуз, гъаз гъапиш сабунуб тмуну предложениемин пайнахъна диву суалназ жаваб шула (фила рякъюъ уч1вну? - *Буран яваш гъабшиган* - кпикъу предложениемин табигъ пай).

Къайд ап1уб лазим шулуки, эгер урхурайидари табигъ'валин союзарна союзвалин гафар хътрахъди жара ап1ури гъашиш, кпикъу табигъ предложениемин составнаъ айи табигъ предложенирин паяр дурари читинвал дарди аьгъю ап1уру.

Табигъ предложениейин пайну к1улин предложениейин пайнахъди вуйи аьлакьа мялум ап1бан бадали, чахъан табигъ предложениейин пайнахъна суал диврайи ва табигъ предложениейин пайну чахъди дюм-дюз аьлакьалу ап1урайи гаф урхурайидариз мялум ап1уб лазим шулу.

Кпикъу табигъ предложение аьгью ап1ру сифтейин девриъ урхурайидарикан гьамцдар аьгьювалар ккун ап1уру:

Кпикъу предложениейин жюре аьгью ап1уб, к1улин предложение улупуб, табигъ предложениейин пай жара ап1уб, табигъ предложениейин пайну к1улин предложениейин пайнаъ чаз тялукъ шулайи гаф (тяйин ап1бан ва аьлава ап1бан табигъ предложенйириъ) мялум ап1уб, чпиъ табигъ предложение тамамди к1улин пайназ тялукъ вуйи предложенйир (**йишван, вахтнан, мураднан, метлебнан, себбнан, гьаншарвалин, шарт1нан, натижайин ктикъу табигъ предложенйир**), кпикъу табигъ предложениейиъ табигъ предложениейин пайнан йишв улупуб, союзар ва союзвалин гафар тяйин ап1уб, пунктуацияйин гъаври хъуб.

Табшуругъар.

1. Исихъ тувнайи предложенйирихъ, скобкйириъ тувнайи суалназ лигну, табигъ предложенйир хъаай, лазим вуйи йишвар'ин запятйир дивай.

1. Даграъ шид ц1иб дубхъна (гъаз?)... . 2.Гъи хябяхъган фермайиз (фтин бадали?)... гъягъюрза. 3.Лап ухди жилар гъут1урччвнийи (натижайиъ фу гъабхънийи?)... . 4.Хулаъ маниди дайи (фтиз дилигди?)... .5.Жанаври агълиж ярквраз хъч1юбхнийи (фициб шарт1ниинди?)... . 6.Баяр чардхикк жин гъаши (фу себбназ?)... . 7.Дадайи риш чав дирибинайи гъалвихъ дитри шуйи (фу метлебниинди?)... . 8.Ихъ гъял ч1уруб шулу (фици гъабшиши?)... .

2.Исихъ тувнайи предложенйирихъ табигъ предложенйир хъаъри, ктикъу табигъ предложенйир дюзмиш ап1инай.

1. Узу шагъриз гъягъюз гъязур гъашиза. 2.Закур сейриз гъягъидихъа. 3.Мархъар ургъуз хъюгъю. 4.Студентари т1умт1ун шираригъ зегъмет

зигурайи. 5.Темпли йигъар дахъну адауйи. 6.Йиз дуст театриз ухди гъафну.
7.Киноийиз гъягъюз ккайча.

3. Гъаму схемйириз дилигну, предложенийир дюзмиш апІинай.

<input type="checkbox"/>	(гъаз?)	<input type="checkbox"/>	<input type="checkbox"/>
<input type="checkbox"/>	(фила?)	<input type="checkbox"/>	↓ гъаз?
<input type="checkbox"/>	(фици?)	<input type="checkbox"/>	<input type="checkbox"/>

Кпикъу предложениейиан айи агъювалар ахтармиш апІуб:

- а). Табасаран чІалнаъ чтин гъурулушдиз дилигну швнуб жюрейин предложенийир шулу?
- б). Кпикъу предложение фицибдиз кІуру?
- в). Кпикъу табигъ предложение кпикъу табигъсуз предложениейихъан фит'инди жара шулу?
- г). Кпикъу табигъ предложение фицдар предложенийирин паярикан дюзмиш шулу? (кІулин предложениейин пай ва табигъ предложениейин пай)
- д) Кпикъу табигъ предложениейиз швнуб жюре а? Дурар кудухай.